

Reglament da salarisaziun per la Pleiv catolica-romana da Lumnezia

Determinaziuns generalas

Intent	<p>Art. 1</p> <p>Il reglament da salarisaziun present normescha l'indemnisaziun dils officials, dils funcziunaris e commembers da cummissiuns dalla pleiv. Existan auters contracts ni regulaziuns valan tals.</p>
Dretg subsidiar	<p>Art. 2</p> <p>Vegn ei stipulau nuot auter valan subsidiarmein la legislaziun da persunal e las prescripziuns dall'ordinaziun davart la salarisaziun dil persunal dil cantun Grischun.</p>
Egualitad dallas schlatteinas	<p>Art. 3</p> <p>Las indicaziuns da persunas, funcziuns officialas ed indicaziuns professionalas en quest reglament serefereschon ad omisduas schlatteinas.</p>
Assicuranzas e cuosts socials	<p>Art. 4</p> <ol style="list-style-type: none">1. Duront il temps da lavur per la pleiv ein ils officials e funcziunaris assicurai entras la pleiv encunter accident e responsabladad civila.2. Da mintga indemnisaziun ad ina persuna privata vegn deducida sia cumpart allas assicuranzas dil provediment public sco era dil provediment professional (assicuranza da pensiun ed accident), aschilunschch`ei exista in`obligaziun da pagar contribuziuns.3. La pleiv presta la cumpart sco patruna e renda quen allas cassas dallas assicuranzas socialas.4. Subsidiarmein valan las prescripziuns dallas assicuranzas socialas.
Indemnisaziun suprastonza	<p>Art. 5</p> <ol style="list-style-type: none">1. Ils commembers dalla suprastonza dalla pleiv obtegnan las suandontas indemnisaziuns pauschalas ad onn:<ul style="list-style-type: none">• President 4'000.00 frs• Vicepresident/actuar 1'500.00 frs• Gerau immobilias e beins 1'500.00 frs• Gerau edifecis sacrals 1'500.00 frs• Cau finanzas 1'500.00 frs2. Quellas indemnisaziuns pauschalas ad onn valan per tutta lavur, per uatgas, per la radunonza da pleiv sco era radunonzas extraordinarias che cumpetan ad els tenor constituziun ed uordens. Per sesidas da suprastonza, ulteriuras sesidas ed outra lavur extraordinaria obtegnan els ulteriuramein l'indemnisaziun tenor artechel 6.3. L'indemnisaziun per la lavur da menar la contabilitad vegn fixada dalla suprastonza.4. Ulteriur persunal vegn indemnisaus tenor ils contracts fixai dalla suprastonza.

5. Lavur cumina vegn ordinada dalla suprastonza ed indemnizada cun ~~25.00~~ frs. per ura.
6. Il plevon obtegn negina indemnizaziun supplementara sco commember dalla suprastonza. L'indemnizaziun per sia lavur ei cuntenida ella salarisaziun tenor il contract da lavur.

Indemnizaziun
per sesidas e
lavur
extraordinaria

Art.6

*1.1.2023: frs. 40.-

Sesidas ed outra lavur extraordinaria che vegn prestada dalla suprastonza e da cumissiuns per la pleiv vegn indemnizada cun ~~30.00~~ frs per ura tenor il temps impundiu. Il viadi al plaz da lavur, resp.al liug da sesida vegn quintaus sco temps da lavur, sche quel sesanfla ordeifer igl intschess dalla vischnaunca Lumnezia.

Spesas

Art. 7

1. Per viadis cun ils mieds publics vegnan ils cuosts effectivs da secunda classa indemnizai.
2. Per viadis cun auto privat vegnan ils km indemnizai tenor la reglamentaziun cantunala.
3. Per l'indemnizaziun da dunsena e loschament valan las perscripziuns cantunalas.
4. Telefons, portos etc. vegnan indemnizai tenor cuosts effectivs.

Determinaziuns finalas

Quen

Art. 8

1. Per sesidas ed outra lavur extraordinaria che vegn prestada dalla suprastonza, dils funcziunaris e da cumissiuns eis ei da presentar in quen cun indiar cuortamein la lavur prestada.
2. Il quen vegn controllaus e visaus dil president dalla pleiv.

Cass
dispiteivels

Art. 9

En cass dispiteivels decida la cumissiun da quen e gestiun davart l'indemnizaziun.

Midadas

Art.10

La cumissiun da gestiun ha d'examinar quest regulativ silmeins mintga 3 onns ed ha da far alla radunonza da pleiv eventualas propostas per midadas ed alzaments.

Vigur

Art. 11

Quest regulativ va en vigur cun igl 1. da schaner 2018


Approbaus dalla radunonza constitutiva dalla Pleiv catolica-romana da Lumnezia dils 3 da november 2017.

Per la suprastonza tranistoria dalla Pleiv catolica-romana da Lumnezia

Il president:


Alexander Casanova

Igl actuar:


Fidel Arpagaus